



# Boston Catholic Journal

www.boston-catholic-journal.com  
editor@boston-catholic-journal.com

## Officium Passionis



### de Sancte Francisce

(Pro sacro triduo hebdomadae maioris et feriis per annum. Ad Completorium)

### Antiphona (Sancta Maria Virgo)

**S**ancta Maria Virgo, non est tibi similis nata in mundo in mulieribus, filia et ancilla altissimi summi Regis Patris caelestis, mater sanctissimi Domini nostri Jesu Christi, sponsa Spiritus Sancti: ora pro nobis cum Sancte Michaeli Archangelo et omnibus virtutibus caelorum et omnibus Sanctis apud tuum sanctissimum dilectum Filium, Dominum et magistrum.

*Gloria Patri. et Filio et Spiritui Sancto, sicut erat in principio, nunc, et in saecula saeculaorum. Amen.*

## **Psalmus (I)**

**D**eus vitam meam annuntiavi tibi + posuisti lacrimas meas in conspectu tuo Omnes inimici mei adversum me cogitabant mala mihi + et consilium fecerunt in unum.

Et posuerunt adversum me mala pro vobis + et odium pro dilectione mea Pro eo, ut me diligerent, detrahebant mihi + ego autem orabam .

Mi Pater Sancte , Rex caeli et terrae, ne discesseris a me + quoniam tribulatio proxima est et non est qui adiuvet .

Convertantur inimici mei retrorsum + in quacumque die invocavero te, ecce cognovi, quoniam Deus meus es .

Amici mei et proximi mei adversum me appropinquaverunt et steterunt + et proximi mei a longe steterunt .

Longe fecisti notos meos a me + posuerunt me abominationem sibi, traditus sum et non egrediebar .

Pater sancte ne elongaveris auxilium tuum a me + Deus meus ad auxilium meum respice.

Intende in adiutorium meum + Domine Deus salutis meae .

**S**ancta Maria Virgo, non est tibi similis nata in mundo in mulieribus, filia et ancilla altissimi summi Regis Patris caelestis, mater sanctissimi Domini nostri Jesu Christi, sponsa Spiritus Sancti: ora pro nobis cum Sancte Michaeli Archangelo et omnibus virtutibus caelorum et omnibus Sanctis apud tuum sanctissimum dilectum Filium, Dominum et magistrum.

**G**loria Patri. et Filio et Spiritui Sancto, sicut erat in principio, nunc, et in saecula saeculorum. Amen.

**O**ratio Benedicamus Domino Deo vivo et vero: laudem, gloriam, honorem, benedictionem et omnia bona referamus ei semper. Amen. Amen. Fiat. Fiat.

## **Ad Matutinum**

### **Antiphona (Sancta Maria Virgo)**

**S**ancta Maria Virgo, non est tibi similis nata in mundo in mulieribus, filia et ancilla altissimi summi Regis Patris caelestis, mater sanctissimi Domini nostri Jesu Christi, sponsa Spiritus Sancti: ora pro nobis cum Sancte Michaelae Archangelo et omnibus virtutibus caelorum et omnibus Sanctis apud tuum sanctissimum dilectum Filium, Dominum et magistrum.

*Gloria Patri. et Filio et Spiritui Sancto, sicut erat in principio, nunc, et in saecula saeculaorum. Amen.*

### **Psalmus (II)**

**D**omine Deus salutis meae + in die clamavi et nocte coram te .

Intret in conspectu tuo oratio mea + inclina aurem tuam ad precem meam .

Intende animae meae et libera eam + propter inimicos meos eripe me.

Quoniam tu es, qui abstraxisti me de ventre spes mea ab uberibus matris meae + in te proiectus sum ex utero .

De ventre matris meae Deus meus es tu + ne discesseris a me .

Tu scis improperium meum et confusionem meam + et reverentiam meam .

In conspectu tuo sunt omnes, qui tribulant me + improperium exspectavit cor meum et miseriam .

Et sustinui, qui simul contristaretur et non fuit + et qui consolaretur et non inveni .

Deus, iniqui insurrexerunt in me + et synagoga potentium quaesierunt animam meam et non proposuerunt te in conspectu suo .

Aestimatus sum cum descendentibus in lacum + factus sum sicut homo sine adiutorio inter mortuos liber .

Tu es sanctissimus pater meus + Rex meus et Deus meus .

Intende in adiutorium meum + Domine Deus salutis meae .

**O**ratio Benedicamus Domino Deo vivo et vero: laudem, gloriam, honorem, benedictionem et omnia bona referamus ei semper. Amen. Amen. Fiat. Fiat.

---

## **Ad Primam**

### **Antiphona (Sancta Maria Virgo)**

**S**ancta Maria Virgo, non est tibi similis nata in mundo in mulieribus, filia et ancilla altissimi summi Regis Patris caelestis, mater sanctissimi Domini nostri Jesu Christi, sponsa Spiritus Sancti: ora pro nobis cum Sancte Michaeli Archangelo et omnibus virtutibus caelorum et omnibus Sanctis apud tuum sanctissimum dilectum Filium, Dominum et magistrum.

## **Psalmus (III)**

**M**iserere mei, Deus, miserere mei + quoniam in te confidit anima mea.

Et in umbra alarum tuarum sperabo + donec transeat iniquitas .

Clamabo ad sanctissimum patrem meum altissimum + Dominum , qui benefecit mihi .

Misit de caelo et liberavit me + dedit in opprobrium conculcantes me .

Misit Deus misericordiam suam et veritatem suam + animam meam eripuit de inimicis meis fortissimis et ab his, qui oderunt me, quoniam confortati sunt super me .

Laqueum paraverunt pedibus meis + et incurvaverunt animam meam.

Foderunt ante faciem meam foveam + et inciderunt in eam .

Paratum cor meum, Deus, paratum cor meum<sup>1</sup> + cantabo et psalmum dicam .

Exsurge, gloria mea, exsurge psalterium et cithara + exurgam diluculo .

Confitebor tibi in populis, Domine + e psalmum dicam tibi in gentibus .

Quoniam magnificata est usque ad caelos misericordia tua + et usque ad nubes veritas tua .

Exaltare super caelos Deus + et super omnem terram<sup>1</sup> gloria tua .

Nota, quod praedictus psalmus semper dicitur ad primam.

**O**ratio Benedicamus Domino Deo vivo et vero: laudem, gloriam, honorem, benedictionem et omnia bona referamus ei semper. Amen. Amen. Fiat. Fiat.

---

## **Ad Tertiam**

### **Antiphona (Sancta Maria Virgo)**

**S**ancta Maria Virgo, non est tibi similis nata in mundo in mulieribus, filia et ancilla altissimi summi Regis Patris caelestis, mater sanctissimi Domini nostri Jesu Christi, sponsa Spiritus Sancti: ora pro nobis cum Sancte Michaelae Archangelo et omnibus virtutibus caelorum et omnibus Sanctis apud tuum sanctissimum dilectum Filium, Dominum et magistrum.

***G**loria Patri. et Filio et Spiritui Sancto, sicut erat in principio, nunc, et in saecula saeculaorum.  
Amen.*

**O**ratio Benedicamus Domino Deo vivo et vero: laudem, gloriam, honorem, benedictionem et omnia bona referamus ei semper. Amen. Amen. Fiat. Fiat.

## **Psalmus (IV)**

**M**iserere mei, Deus, quoniam conculcavit me homo + tota die impugnans tribulavit me .

Conculcaverunt me inimici mei tota die + quoniam multi bellantes adversum me.

Omnes inimici mei adversum me cogitabant mala mihi + verbum iniquum constituerunt adversum me .

Qui custodiebant animam meam + consilium fecerunt in unum.

Egrediebantur foras + et loquebantur in idipsum.

Omnes videntes me deriserunt me + locuti sunt labiis et moverunt caput.

Ego autem sum vermis et non homo + opprobrium hominum et abiectio plebis .

Super omnes inimicos meos factus sum opprobrium vicinis meis valde + et timor notis meis .

Pater sancte ne elongaveris auxilium tuum a me + ad defensionem meam conspice .

Intende in adiutorium meum + Domine Deus salutis meae .

**O**ratio Benedicamus Domino Deo vivo et vero: laudem, gloriam, honorem, benedictionem et omnia bona referamus ei semper. Amen. Amen. Fiat. Fiat.

---

## **Ad Sextam**

### **Antiphona (Sancta Maria Virgo)**

**S**ancta Maria Virgo, non est tibi similis nata in mundo in mulieribus, filia et ancilla altissimi summi Regis Patris caelestis, mater sanctissimi Domini nostri Jesu Christi, sponsa Spiritus Sancti: ora pro nobis cum Sancte Michaeli Archangelo et omnibus virtutibus caelorum et omnibus Sanctis apud tuum sanctissimum dilectum Filium, Dominum et magistrum.

*Gloria Patri. et Filio et Spiritui Sancto, sicut erat in principio, nunc, et in saecula saeculaorum.  
Amen.*

## **Psalmus (V)**

**V**oce mea ad Dominum clamavit + voce mea ad Dominum deprecatus sum .

Effundo in conspectu eius orationem meam + et tribulationem meam ante ipsum pronuntio.

In deficiendo ex me spiritum meum + et tu cognovisti semitas meas.

In via hac qua ambulabam + absconderunt superbi laqueum mihi .

Considerabam ad dexteram et videbant + et non erat qui cognosceret me.

Periit fuga a me + et non est, qui requirat animam meam . Quoniam propter te sustinui opprobrium+ operuit confusio faciem meam .

Extraneus factus sum fratribus meis + et peregrinus filiis matris meae Pater sancte.

zelus domus tuae comedit me + et opprobria exprobrantium tibi ceciderunt super me .

Et adversum me laetati sunt et convenerunt + congregata sunt super me flagella et ignoravi .

Multiplicati sunt super capillos capitis mei + qui oderunt me gratis .

Confortati sunt, qui persecuti sunt me inimici mei iniuste + quae non rapui tunc exsolvebam .

Surgentes testes iniqui + quae ignorabant interrogabant me.

Retribuebant mihi mala pro bonis et detrahebant mihi + quoniam sequebar bonitatem .

Tu es sanctissimus pater meus + Rex meus et Deus meus .

Intende in adiutorium meum + Domine Deus salutis meae .

**O**ratio Benedicamus Domino Deo vivo et vero: laudem, gloriam, honorem, benedictionem et omnia bona referamus ei semper. Amen. Amen. Fiat. Fiat.

## **Ad Nonam**

### **Antiphona (Sancta Maria Virgo)**

**S**ancta Maria Virgo, non est tibi similis nata in mundo in mulieribus, filia et ancilla altissimi summi Regis Patris caelestis, mater sanctissimi Domini nostri Jesu Christi, sponsa Spiritus Sancti: ora pro nobis cum Sancte Michaelae Archangelo et omnibus virtutibus caelorum et omnibus Sanctis apud tuum sanctissimum dilectum Filium, Dominum et magistrum.

*Gloria Patri. et Filio et Spiritui Sancto, sicut erat in principio, nunc, et in saecula saeculaorum. Amen.*

### **Psalmus (VI)**

**O** vos omnes, qui transitis per viam + attendite et videte, si est dolor sicut dolor meus .

Quoniam circumdederunt me canes multi + concilium malignantium obsedit me.17).

Ipsi vero consideraverunt et inspexerunt me + diviserunt sibi vestimenta mea et super vestem meam miserunt sortem.

Foderunt manus meas et pedes meos + et dinumeraverunt omnia ossa mea.

Aperuerunt super me os suum + sicut leo rapiens et rugiens .

Sicut aqua effusus sum + et dispersa sunt omnia ossa mea .

Et factum est cor meum tamquam cera liquescens + in medio ventris mei.

Aruit tamquam testa virtus mea + et lingua mea adhaesit faucibus meis .

Et dederunt in escam meam fel + et in siti mea potaverunt me aceto .

Et in pulverem mortis deduxerunt me + et super dolorem vulnere meorum addiderunt .

Ego dormivi et resurrexi + et pater meus sanctissimus cum gloria suscepit me .



Pater sancte tenuisti manum dexteram meam et in voluntate tua deduxisti me + et cum gloria assumpsisti me .

Quid enim mihi est in caelo + et a te quid illi volui super terram .

Videte, videte, quoniam ego sum Deus, dicit Dominus + exaltabor in gentibus et exaltabor in terra .

Benedictus Dominus Deus Israel, qui redemit animas servorum suorum de proprio sanctissimo sanguine suo + et non derelinquet omnes qui sperant in eo.

Et scimus, quoniam venit + quoniam venietis iustitiam iudicare.

**O**ratio Benedicamus Domino Deo vivo et vero: laudem, gloriam, honorem, benedictionem et omnia bona referamus ei semper. Amen. Amen. Fiat. Fiat.

---

## **Ad Vesperam**

### **Antiphona (Sancta Maria Virgo)**

**S**ancta Maria Virgo, non est tibi similis nata in mundo in mulieribus, filia et ancilla altissimi summi Regis Patris caelestis, mater sanctissimi Domini nostri Jesu Christi, sponsa Spiritus Sancti: ora pro nobis cum Sancte Michaeli Archangelo et omnibus virtutibus caelorum et omnibus Sanctis apud tuum sanctissimum dilectum Filium, Dominum et magistrum.

*Gloria Patri. et Filio et Spiritui Sancto, sicut erat in principio, nunc, et in saecula saeculorum.  
Amen.*

### **Psalmus (VII)**

**O**mnes gentes plaudite manibus + iubilante Deo in voce exsultationis .

Quoniam Dominus excelsus + terribilis Rex magnus super omnem terram .

Quia sanctissimus Pater de caelo, Rex noster ante saecula + misit directum Filium suum de alto et operatus est salutem in medio terrae.

Laetentur caeli et exsultet terra commoveatur mare et plenitudo eius + gaudebunt campi et omnia, quae in eis sunt .

Cantate ei canticum novum + cantate Domino omnis terra .

Quoniam magnus Dominus et laudabilis nimis + terribilis est super omnes deos .

Afferte Domino patriae gentium ' afferte Domino gloriam et honorem + afferte Domino gloriam nomini eius .

Tollite corpora vestra et baiulate sanctam crucem eius + et sequimini usque in finem sanctissima praecepta eius .

Commoveatur a facie eius universa terra + dicite in gentibus, quia Dominus regnavit a ligno .

Usque huc dicitur a feria sexta Parasceven usque ad festum Ascensionis quotidie. In festo vero Ascensionis superadduntur isti versiculi:

Et ascendit ad caelos et sedet ad dexteram sanctissimi Patris in caelis<sup>9</sup> exaltare super caelos Deus + et super omnem terram gloria tua .

**O**ratio Benedicamus Domino Deo vivo et vero: laudem, gloriam, honorem, benedictionem et omnia bona referamus ei semper. Amen. Amen. Fiat. Fiat.

---

## **(Pro tempore Nativitatis Domini)**

### **Antiphona (Sancta Maria Virgo)**

**S**ancta Maria Virgo, non est tibi similis nata in mundo in mulieribus, filia et ancilla altissimi

summi Regis Patris caelestis, mater sanctissimi Domini nostri Jesu Christi, sponsa Spiritus Sancti: ora pro nobis cum Sancte Michaelae Archangelo et omnibus virtutibus caelorum et omnibus Sanctis apud tuum sanctissimum dilectum Filium, Dominum et magistrum.

*Gloria Patri. et Filio et Spiritui Sancto, sicut erat in principio, nunc, et in saecula saeculorum. Amen.*

## **Psalmus (XV)**

**E**xsultate Deo adiutori nostro + iubilate Domino Deo vivo et vero in voce exsultationis .

Quoniam Dominus excelsus + terribilis Rex magnus super omnem terram .

Quia sanctissimus pater de caelo, Rex noster ante saecula misit dilectum Filium suum de alto + et natus fuit de beata virgine sancta Maria.

Ipse invocavit me: Pater meus es tu + et ego primogenitum ponam illum, excelsum prae regibus terrae .

In illa die mandavit Dominus misericordiam suam + et nocte canticum eius.

Haec est dies, quam fecit Dominus + exsulemus et laetemur in ea .

Quia sanctissimus puer dilectus datus est nobis et natus fuit pro nobis in via et positus in praesepio + quia non habebat locum in diversorio.

Gloria in altissimis Domino Deo + et in terra pax hominibus bonae voluntatis.

Laetentur caeli et exsulet terra ' commoveatur mare et plenitudo eius + gaudebunt campi et omnia, quae in eis sunt.

Cantate ei canticum novum + cantate Domino omnis terra.

Quoniam magnus Dominus et laudabilis nimis + terribilis est super omnes deos .

Afferte Domino patriae gentium ' afferte Domino gloriam et honorem + afferte Domino gloriam nomini eius.

**O**ratio Benedicamus Domino Deo vivo et vero: laudem, gloriam, honorem, benedictionem et omnia bona referamus ei semper. Amen. Amen. Fiat. Fiat.

---



---

*Our deepest gratitude to the **Poor Clare Colettine Nuns of the Ty Mam Duw Monastery in Harwarden, Wales**, for their contribution and direction, apart from whom this ***Officium Passionis*** would be impossible.*



Copyright © 2004 - 2010 Boston Catholic Journal. All rights reserved.